



Inatsisartunut ilaasortaq
Mala Høy Kuko, Atassut

**Uulia kinertoq pillugu § 37 naapertorlugu apeqquteqaammut nr. 2017-001-
imut akissuteqaat.**

Asasara Mala Høy Kuko,

Ulloq 30. december 2016 apeqqutit matuma kingulianiittut Naalakkersuisunut saqqummiuppatit. Apeqqutit matuma kinguliani ataasiakkaarlugit akissuteqarfigineqarput.

Apeqqutit 1 aamma 6 Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoqarfimmit (KNIAIN) akissuteqarfigineqarput. Apeqqutit 4, 11 aamma 12 Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfimmit (ISIIN) akissuteqarfigineqarput aammalu Apeqqutit 2, 3, 5, 7, 8, 9 aamma 10 Namminiilivinnermut, Pinngortitamut, Avatangiisinut Nunalerinermullu Naalakkersuisoqarfimmit (NPANN) akissuteqarfigineqarlutik.

Brev dato:
17-01-2017
Sagsnr.: 2017 - 865
Akt. ID: 4319661
4282065

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail:
npann@nanoq.gl
www.naalakkersuisut.gl

**1. Umiarsuit nunatsinnut tikittartut sarfamik ikkussuiffissaannik
ikkuffeqalernissaannik naalakkersuisut pilersaaruteqarpat?**

Maannakkorpiaq nunatsinni umiarsualivinni innaallagiamut ikkussuiffiusinnaasunik ikkussuinissaq pillugu Naalakkersuisut pilersaaruteqanngillat.

Tamatumunnga pissutaavoq nunatsinni umiarsualivinni teknikkimut atortut atuisut nammineerlutik imaluunniit tamanut pilersuinerneq ingerlatseqatigiiffiit piginnittuunerat.

**2. Naatsorsorneqarnikuua qanoq umiarsuit tikittartut silaannarmut
talittarfimmiinnerminni mingutsitsarnerat?**

Umiarsuarnit talittarfimmiittunit aniatitsinernut naatsorsuinernik eqqoqqissaartunik Namminiilivinnermut, Pinngortitamut, Avatangiisinut Nunalerinermullu Naalakkersuisoqarfik (NPANN) soqanngilaq, kisianni ataatsimut isigalugu ikummatissanik atuinerat aallaavigalugu umiarsuit angallannerannit aniatitsinerit naatsorsorneqartarput.

Umiarsuarnit aniatitsinerit pillugit paasissutissanut annertunerusunut nalunaarusiaq 'Aniatitsinerit umiarsuarneersut', nittartakkami www.naalakkersuisut.gl pissarsiarineqarsinnaasoq, innersuussutigineqarpoq.

3. Uulia kinertoq saligaanngitsoq silaannarmut qanoq mingutsitsineruva salinneqarsimasumiit?

Umiarsuarnik angalaneq uulia kinertoq atorlugu ingerlanneqarsinnaasoq NPANN-imit ilisimaneqanngilaq.

Umiarsuarmik angallanneq aammalu ukiumut aniatitsinerit pillugit paasissutissanut tunngatillugu nalunaarusiaq innersuussutigineqarpoq "Umiarsuit angallannerat aamma silap pissusaata allanngoriartornera – Naleqqusaaniarluni aamma annikillsitsiniarluni suliniuteqarnissamut periarfissat", Naalakkersuisut nittartagaanniitqoq.

4. Turistit umiarsuaat uuliamik kinertumik atuisut qassit tikittarpat?

Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfiup tamanna pillugu KNI-imut apeqquteqarpoq. KNI paasissutissiivoq:

"Umiarsuit takornariartaatit qassit Heavy Fuel-imik (HFO) atuinersut Polaroil-ip ilisimasaqarfiginngilaa – ukiut marlussuit kingulliit umiarsuarnut takornariartaatinut 2-4-inut HFO-inik Polaroil tunisisimavoq."

5. Tamakku qanoq piumaffigineqartarpat atuinerat pillugu?

Qulaani akissummut 3-mut pineqartumut innersuussutigineqarpoq.

6. Nunatsinni kikkut umiarsuaateqarpat uuliami kinertumik atuisuusunik?

Qulaani akissummut 3-mut pineqartumut innersuussutigineqarpoq.

7. Angallatit taarsernissaannik pilersaarusiortoqarpa?

Qulaani akissummut 3-mut pineqartumut innersuussutigineqarpoq.

8. Atortuutilernissaanilluunniit (filterit nutaaliat)? Qaqugu tamanna pissamaarpa?

Qulaani akissummut 3-mut pineqartumut innersuussutigineqarpoq.

9. Qanoq aningaasatigut naleqassua? Kikkut akilissuaat?

Qulaani akissummut 3-mut pineqartumut innersuussutigineqarpoq.

10. Innuttaasunut akimikkut sunniuteqassava??

Qulaani akissummut 3-mut pineqartumut innersuussutigineqarpoq.

11. Uuliamik kinertumik nunatsinni toqqorsivissamik pilersaaruteqartoqarpa? ISNNN

Inuussutissarionermut, Suliffeqarnermut, Niuernermut Nukissiuuteqarnermullu Naalakkersuisoqarfiup tamanna pillugu KNI apeqquteqarfigaa. KNI paasissutissiivoq:

" KNI A/S, Polaroil HFO-nut nunami inissaqartitsilernissaq pillugu pilersaaruteqarpoq. Polaroil-ip ullumikkut Kalaallit Nunaanni sineriak sinerlugu, sullitap umiarsuaataanut umiarsuarmit uuliamik assartuummit toqqaannartumik pilersuinerit aqputigalugit, HFO-inik pilersuivoq. Sullitat tassaapput umiarsuit assartuutit, kilisaatit aamma umiarsuit takornariartaatit – Kalaallit Nunaanni nalunaarsorsimasut aamma nunani allani nalunaarsorsimasut. Ullumikkut HFO-nut (Polaroil-ip ilisimasai malillugit) nunami atortoqanngilaq HFO-inik uninngasuuteqarfusinnaasunik tunniussiviusinnaasunillu. Polaroil-ip pilersaarutai tassaapput, tankeqarfii pioreersut HFO-nik uninngasuuteqarsinnaanngorlugit tunniussisinnaanngorlugillu, allanngorsarlugit sananeqarnissaat. HFO-nut nunami inissaqartitsilernissaq pillugu pilersaarutit – Nuummut aamma Sisimiunut atuupput – 2017-2018 ingerlanerani pissalluni."

12. Taamaattoqassappat qaqugu sumilu tamanna suliarineqarumaarpa?

Matuma siuliani apeqqummut 11-imut akissuteqaat innersuussutigineqarpoq.

NPANN-ip piffissaq iluatsillugu ilisimatitsissutigissavaa, Issittumi heavy fuel uuliamik atuilluni imaatigut angalanissamut inerteqquteqarnermi Kalaallit Nunaannut sunniutaasussanut inuiaqatigiit aningaasaqarneranni misissueqqissaarnek maannakkut aallartinneqareersoq.

Inussiarnersumik inuulluaqqusillunga


Suka K. Frederiksen